



Broj: 02-50-3-1181/26

Datum: 27. april 2026. godine

KOLEGIJ DOMA NARODA PSBiH

KOLEGIJ PREDSTAVNIČKOG DOMA PSBiH

KOLEGIJ SEKRETARIJATA PSBiH

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 11.05.2026			
Organizaciona jedinica	Klasifikaciona oznaka	Redni broj	Broj priloga
02/023/011-05-1		382/26	

**Predmet: Izvještaj o službenom putovanju radi učešća na 20. konferenciji predsjednika parlamenata Jadransko-jonske inicijative (JJI), Skoplje, Republika Sjeverna Makedonija, 23. i 24. april 2026.**

U skladu s Odlukom o upućivanju na službeno putovanje u inozemstvo, broj: 02-50-3-1181/26, predsjedavajući Doma naroda Parlamentarne skupštine BiH Kemal Ademović, u pratnji šefa Kabineta Akira Šišića i stručne savjetnice – prevoditeljice za engleski jezik Amile Kličić, boravio je u službenoj posjeti Skoplju, Republika Sjeverna Makedonija, u periodu od 22. do 25. aprila 2026. godine. Povod posjete bio je učešće na 20. konferenciji predsjednika parlamenata Jadransko-jonske inicijative (JJI).

Prvog dana posjete predsjedavajući Kemal Ademović sastao se s predsjednikom Skupštine Republike Sjeverne Makedonije Afrimom Gashijem, kojem je uručio poklon sa simbolom Parlamentarne skupštine BiH. Predsjednik Gashi iskazao je zadovoljstvo odličnim bilateralnim odnosima, ističući bošnjačku zajednicu u Sjevernoj Makedoniji i makedonsku dijasporu u BiH kao ključne mostove povezivanja. Posebno je naglašena važnost unapređenja transportne infrastrukture, poput obnove željezničke veze i uspostavljanja aviolinije Skoplje - Sarajevo. Predsjedavajući Ademović zahvalio se na toplom prijemu i posebno istaknuo duboku zahvalnost Bosne i Hercegovine Skupštini Sjeverne Makedonije na odavanju počasti žrtvama genocida u Srebrenici kroz obilježavanje godišnjice ovog tragičnog događaja. Tokom susreta predsjedavajući Ademović uputio je zvanični poziv predsjedniku Gashiju da posjeti Sarajevo i Parlamentarnu skupštinu BiH.

U nastavku programa delegacija je položila cvijeće na Spomen-obilježje žrtvama genocida u Srebrenici u općini Čair, te na turbe bosanske princeze (Kral Kizi), čime su još jednom potvrđene



U petak, 24. aprila, predsjedavajući je učestvovao u radu 20. konferencije predsjednika parlamenata JJi u zgradi Skupštine. Na prvoj sesiji pod nazivom „Promoviranje mira i stabilnosti kroz parlamentarnu diplomatiju“, predsjedavajući Kemal Ademović obratio se prisutnima ističući značaj dijaloga za stabilnost regiona. Na marginama konferencije upriličen je susret s reisul-ulemom h. hfz. Šaćir ef. Fetahuom. Tokom druge sesije razgovarano je o jačanju regionalne povezanosti kroz koridore VIII. i X. Program je završen usvajanjem Zajedničke izjave kojom se potvrđuje opredijeljenost za saradnju u oblastima sigurnosti i evropskih integracija.

Delegacija se vratila u Sarajevo u subotu, 25. aprila 2026. godine.

Izvještaj odobrio:

**Kemal Ademović**

410/26

7.5.'26

Predsjedavajući Doma naroda Parlamentarne skupštine BiH

Izvještaj sastavila:

**Amila Kličić**

Stručna savjetnica – prevoditeljica za engleski jezik

Dostaviti:

- naslovu
- Komisiji za vanjske poslove PDPSBiH
- Komisiji za vanjsku i trgovinsku politiku, carine, saobraćaj i komunikacije Doma naroda
- Sektoru za odnose s javnošću
- Sektoru za međunarodne odnose i protokol
- a/a

kopija: Ministarstvo vanjskih poslova BiH